

荆州萬城隍志

卷首卷一

873

地728

2764

部=126

光緒二年新鐫

荊州萬城隍志

本衙藏板

荊州萬城陸志序



荊州知府倪君豹岑為萬城
陸志成郵致其凡例目錄後序
於余志分卷上之分目三十六凡
送備防之義甚晰而其所甄

荊州萬城隄志

卷首

李序

采故隄遺以藉之廣博以嚴江
自發源西南徼外由滇入蜀盟
曲以七千里以與岷江合于千數百
里而出峽其始東於羣山之中源
長流鋪舒怒無所滯既出峽則

存騰橫起甚則踰防稽陸
平野為壑故湖北懷江郡縣
往々多水患而荊州尤甚其衝
自東晉陳遵創建金隄迄今
不廢我

荊州萬城隄志

卷首

李序

二

朝乾隆戊申之役特出重臣
錫鉅帑增築石磯厥後累
歲崇修水患亦以稍弭夫荆之
病滯久矣而隄之利民亦博矣
同治己巳余於楚督任內持節

赴蜀曾兩過隄上詳察形勢
審其要術大抵深工於堅籌
費雖寬在子歎西敷防護以勤
以此教者則蓄之太者可以減小
者可以消固人之定勝天之理也

荊州萬城隄志

卷首

李序

三

君與余相知也久為人篤雅
勿枉者迷尤究心經世之學守
荊州政簡民樂乃以其暇纂
輯是書於二十年来設隄禦
水之成績紀年然畢具務得有

志之士考鏡得失一旦躬臨鉅
役不至以吏為師後之官斯志
庶其有所持衷亦君永底於民
之一端已光緒二年正月
中
澣合肥李鴻章敘

荊州萬城隍志

卷首

李序

四



荊州萬城隄志序

昔子輿氏有言曰徒善不足以爲政徒法不能以自行言乎有其心者必兼有其政也湖北政治之要莫如江防而江防之要尤在萬城一隄考水經注萬城隄爲古沮口地今爲荊州府城水津門西荊州居江水上游北連漢水西達岷江南通三湘七澤而是隄適當其衝蓋防江防漢兼防湘也宋明以來鄭趙錢姚諸公隄防善政及我

朝彭中丞樹葵汪制府志伊江防奏議所以爲民生國

荊州萬城隄誌

卷首

翁序

一

賦計者至爲詳審顧時時見於他說而別無薈萃之本此倪豹岑太守荊州萬城隄志一書所爲作也於虜天下之患中於因循而事之在官者尤甚中世士大夫以官爲傳舍其卑論儕俗與世浮沈者無論矣即或有志奮興而前事不足師成規無可考則亦無所藉手以告其成功太守由翰林改官比部自京宦時已有聲郎署洎守荊州益自淬厲凡利害切民未有聞而不諮知而不行者萬城一隄爲郡守專責尤所究心迺復博採舊聞旁搜近事州居部別輯成此

書爲綱十有二日三十有六策萬全急先務二百餘里之大隄靡不燭照數計瞭如指掌歷代之興廢備焉

國家之文獻徵焉歲修之經費裕焉上游下游之脈絡貫通焉觀此而荆郡水道之利害明即全楚水道之利害亦可得其梗概舉成勞於不墜俾後事之可師若太守者可謂能盡職守者矣余近奉閱伍之

命方思兼閱隄防講明切究而不意太守之先得我心也抑余願後之守是土者得是書而遵行之不愆不忘

荊州萬城隄志

卷首

翁序

二

率由舊章先事而防事至而應登羣黎於衽席慶多稼之如雲胥於是書乎賴之故樂爲弁其端云

光緒二年五月兼署湖廣總督兵部侍郎湖北巡撫常熟翁同爵敘

萬城隄志序

古人云廣營高岸力制湍流非治水之善策也善治水者於其合也分而疏之於其溢也旁而蓄之故禹貢所載曰播曰瀦而已隄防之說蓋指民間溝洫而言非所語於大川巨浸也荊州萬城大隄肇始於晉盛於宋詳於明迨我

朝乾隆戊申之災發帑修築上自堆金垵下迄拖茅埠綿長二百餘里實爲下游保障嗣後責成道府勘估驗收而江防之重始於河防等同治九年余奉

荊州萬城隄志

卷首

孫序

一

命觀察荆江巡閱長隄延問父老具悉私垵蓄水激射隄根爲害一北岸郝穴南岸虎渡歲久成淤水無所洩爲害二二者害水水因害隄而遂以爲民害者也顧私垵林立旣未能遽言平毀其宜疏宜決之口又以工鉅費繁而寢其議吾見驚濤駭浪唯恃此一綫之隄以衛生靈而資奠定耳且夫防之時義大矣哉累土拋石同一防也而虛與實異培厚增高同一防也而真與假殊謀夫孔多是用不集求其實事求是折衷一當者誠憂憂乎難之是年秋豹岑同年以名進

士來守是郡與余相知有素其經濟學問足爲天下
福余竊隱爲荆民幸而豹岑亦銳於自任數年來躬
親率作具有成效猶颺颺焉慮人謀之不臧也於是
蒐成案采遺文輯眾說參以己見爲卷十有二爲類
三十六條分縷晰瞭如指掌固非古聖治水之本意
而實近今救敗之良規也夫捍大災禦大患人有同
情唯利弊不明一旦而畀以重任如小兒學步扶牆
摸壁免於傾跌而已中衢設樽任人自酌安望其爲
民計久長哉誠得是書簡練而揣摩之以之治江其

荊州萬城隄志

卷首

孫序

二

道大光以之治河無偏無頗異日宰天下不當如是
耶余與豹岑有同志豹岑不以余爲不肖屬司校正
朝夕相切磋縱談天下事每以海國情形來相責問
余以時事多艱紀載不果有心人將毋笑我不文乎
讀是書不覺怦然心動矣爰濡筆而爲之序

光緒二年歲在柔兆困敦彊圉作噩月中浣荆南觀
察使者淮南孫家穀拜撰

荊州萬城隄志

總叙

治水之書昉自禹貢而河渠溝洫水利諸篇各詳其說未有獨詳於治隄者元沙克什撰河防通議凡物料工程丁夫輸運以及安椿壘埽積算乘除之法粲然備具始有成書自是以後著作漸繁大抵皆爲治河言也夫河防尙已其次莫如江河爲害於東北而淮助之江爲害於西南而漢助之荊州居江水上游楚之先筆路藍縷以啟山林三湘七澤盡爲瀦水之區故爲害常少中古以還江勢日變

荊州萬城隄志

卷首

總叙

一

生齒日繁地利幾盡向所謂瀦水之區假而爲田廬墳墓矣假而爲城郭都邑矣安土重遷必謀自衛勢不得不與水爭地則修防之役以興今以數千里奔騰之水受束於一綫之隄咫尺不堅千里爲壑守之惟恐或失忍言棄哉靳文襄極詆賈讓三策之謬蓋不獨爲治河言也荆江之側今所謂萬城隄者始於晉代詳於前明迨我朝乾隆戊申之災上厯

聖慮特命阿公相持節治之於是荆隄之工幾與河防並重同治

壬申八月

文蔚

來守是邦秋水已落周歷隄境見有灘地

淤出者有隄根退挽者險夷異勢高下相懸竊以爲慮訪諸故老欲求阿公相宣防之績舉不能道其詳蓋相去已八十餘年壬寅甲辰之間疊經漫決非復舊觀官其地者旣無以求諸野而前後更替又不相傳告卷冊浩繁追搜互繹急切不易且利弊所在因時變通亦有非卷冊所及詳者以故鳩工庀材一切以吏爲師聽其指畫而已夫古者記事必有志萬城一隄爲下游諸州邑保障其事不爲小而終歲胼胝身勤其事茫然莫知所爲不亦惑乎今歲安瀾之暇披檢塵案窮數十日戊申舊牘犁然具存因更

荊州萬城隄志

卷首

總叙

二

蒐輯他書益以近事都爲一編名之曰萬城隄志而以諭旨冠諸首詳之以圖說示之以水道則建置基焉有建置然後有歲修有歲修然後有防護然無財則事不集故經費次之有財無人則事不成故官守次之事成則害事者必去故私隄又次之藝文雜志皆所以記事也仍附於正編而歸餘於終竊取沙氏通議之意別類分門首尾相屬凡四易稿極知於古人治水之道未盡相吞然使親督其事者省覽是編折衷至當不至以吏爲師亦區區舊政必告之意也夫同治甲戌季冬望江倪文蔚自序

荊州萬城隄志凡例

一 荊州當上游江水之衝國賦民生惟隄防是賴由來舊矣我

朝

聖

聖相承勤求民瘼蠲租發帑役之以工而賑卽寓焉修防制度

亦稟

宸謨恭錄雍正以來

諭旨并諸簡端俾覽是編者仰體

荊州萬城隄志

卷首 凡例

皇仁用昭法守

一 萬城隄實止兩段各長三里有奇乾隆以來則爲二百餘里大隄之統名是書所由名也又萬城本名方城宋荆南制置使趙葵避父諱改作方城後遂訛方爲萬今志乘章疏皆承作萬城亦祇仍之不敢立異云

一 隄務千端萬緒若非逐節臚陳最易眯目茲編合卷首卷末爲綱者十二爲目者三十六其不列條目者統附志餘備考每門綴以序言粗具梗概

一 是書專主纂述或大吏擬定章程或各工已著成效彙

集成帙以圖便於省覽故論斷處概從簡略卽長篇間有節錄亦止刊去繁文或舊章近已變通竊以己意明其損益之由非敢云作也

一 是書所錄不皆荆隄成案編輯自有分別其專論荆隄者頂格鈔錄在前河工垸隄通論與荆隄有合者次之低一格寫而以現行事宜及鄙論附後低正編二格平寫凡遇擡頭字樣敬謹空格宋以來文集多如此例

一 是書專志萬城隄工以重郡守專責凡江陵所轄陰湘隄及南岍大隄松滋石首公安監利枝江五屬垸隄其

荊州萬城隄志

卷首 凡例

二

中修防經費章程利弊間附志餘不敢溷入正編庶免喧賓奪主

一 水道門專志岷江源流並南岍匯江諸水及諸穴口以辨大隄上游受水之由與下游瀦水之區本境洩水之道將爲保障疏宣計若北岍之漢夏沔潛概從刪去以免龐雜不暇效桑經鄺注爭誇攷據也

一 歲修估驗土石各工及防護門備患守汛諸法凡河工海塘沔隄襄隄有今昔通用彼此咸宜參諸大隄不無裨益者博取兼收以備采擇

一官守門不及前朝蓋宋明以來如鄭趙錢姚諸公治水政績已見建置門及雜志無庸贅述乾隆戊申以後隄法愈密責成愈重自督撫以逮道府兢兢以守之故宜詳載以諗來者

一藝文門所鈔古文詞皆關係大隄之作其奏疏公牘專論一事見諸施行者撮其要略分隸各門俾成案可稽用資攷鏡若條議多端或統論大局悉附於疏築備考仍按年代編次

一摘鈔成案每件附注年月凡有荆隄之責已見題名志

荆州萬城隄志

卷首 凡例

三

者裝題止署官職別稱如某制軍某中丞之類餘則並書名某若藝文多係全鈔每篇必注作者姓名從常例也

一近人胡明經祖嗣荆楚修疏指要俞明府昌烈楚北水利隄防紀要二書皆論江漢兩隄胡君於萬城大隄概未之及俞君語焉而不詳然修防之法實不外此故二書采錄較多

一案牘繁複不能徧鈔凡著爲令者僅志其立法之始乾隆戊申以前本無專案惟邁制軍修隄事宜疏彭中丞

請禁私坑疏利病瞭然世傳其稿故著錄云

一稱布政司曰省稱湖北曰楚北又偶或稱江爲河皆公牘所習見固非典實是編因錄原文乃仍其舊未便悉予更正

荊州萬城隍志

卷首

凡例

四

荊州萬城隄志總目錄

卷首

諭旨

雍正

乾隆

嘉慶

道光

咸豐

同治

卷一

圖說

隄圖

說略

卷二

水道

岷江

清江

沮漳

南岸會江諸水

穴口

卷三

建置

大隄

月隄

石磯附鐵牛

洞宇

工局

兵卡

荊州萬城隄志

卷首

總目錄

卷四

歲修

估驗

土工附柴工

石工附磚工

卷五

防護

備患

守汛

卷六

經費

攤徵

支銷

帑項

借款附捐項

卷七

官守

題名

責成

獎叙

處分

卷八

荊州萬城隄志卷首

諭旨

雍正五年二月奉

上諭據傅敏奏稱荊州地方沿江隄岸例係民隄民修今請用耗羨銀兩修築令監修官防護等語朕思耗羨銀兩亦係小民脂膏凡地方應修工程於民生實有裨益者即當動用帑金辦理不必取給於耗羨但此處既係民隄若修理之後即算欽隄則凡遇隨時補葺之處小民不敢干涉轉致疏忽且恐頑劣之民特有朝廷歲修之力不肯用心防護以致潰決害及田廬而民荊州萬城隄志

卷首

諭旨 雍正

受其累此等處皆當預爲籌及荊州沿江隄岸著動用帑金遴委賢員監督修理修成之後仍算民隄令百姓加意防護隨時補葺俾得永受其益其如何令地方官員稽察驗看俾永遠保固之處著該督撫會議具奏該部知道欽此

六年正月奉

上諭據邁柱奏修築江隄百姓踴躍從事可嘉宜沛特恩賜帑銀六萬兩令邁柱酌量工程多寡分給使小民均霑實惠工程永遠堅固以副愛養楚民至意欽此

是年三月覆奏疏濬水道一摺奉

硃批朕已命動撥帑金六萬兩頒發楚省如果俱經疏通無可更
爲興修之處則亦已耳若勉強捏造一事以迎合朕之恩旨又
屬不可也欽此

荊州萬城隍志

卷首

論旨

雍正

乾隆五十三年七月初四日奉

上諭據圖桑阿陳淮奏六月二十日荆江夏汛泛漲隨督同地方文武員弁將護城各隄塍加築搶修各城門下閘堵閉分段照料詎酉刻隄塍潰決江水直逼城下衝開西北兩門滿漢兩城文武衙署兵民房屋以及倉庫監獄俱被淹沒兵民多赴城上及屋頂樹上逃生其奔命不及者多被淹斃經陳淮令隨身家丁紫筱渡赴沙市招募船隻圖桑阿亦動項雇船分救滿漢兩城人口赴城上搭棚棲止現酌動府倉南米散給撫卹其駐防綠營兵丁俱照例借給一月口糧監犯現查獲三十八名其餘

荊州萬城隄志

卷首

諭旨 乾隆

三

五十名是否淹斃或私逃上緊查究又隨陳淮辦事之州同婁業耀被衝無蹤至二十三日水勢稍平陳淮現在荊州親身督查俟辦有頭緒方可回省等語荊州因江水泛漲潰決隄塍致滿漢兩城均被淹浸兵民四散逃避其奔走不及者即被淹斃情狀聞之惕然惻然幸而陳淮因往長陽查災回省適至荊州伊係藩司呼應較靈得以招募船隻分救兩城人口並酌動府倉散給兵民得資接濟該司此時自應在彼親身督查此次荊州被淹情形甚重姜晟一得陳淮稟報自己起身前往舒常目下亦當回任並著馳赴該處會同詳細查辦著加意撫卹一面

奏聞一面動給勿使兵民失所但該處隄塍興修未久荊州前
曾被水其淹浸情形並未聞如此之重此次滿漢兩城均被淹
浸雖係大江夏汛泛漲究由隄塍不固被水潰決所致除交軍
機大臣詳查具奏外著傳諭舒常等即將所決隄工係何年何
人承修因何工程不固以致潰決之處查明據實參奏至州同
婁業燿隨同陳淮辦事派在西門督夫閉閘致被衝無蹤該員
係因公淹斃殊堪惻憫著該督等即咨部照陣亡例議卹其駐
防及地方官各員內如有淹斃者亦屬可憫並著該督等會同
該將軍查明一併咨部量予優卹至監犯現無下落者固應上
荆州萬城隄志

卷首

諭旨 乾隆

四

緊查明分別核辦其現已查獲之三十八名如係當時救出另
行監禁者自應仍照本案辦理如係被水得生自行投到者尙
爲守法即應照其本罪量予減等仍著該督等將現在查辦情
形各行迅速覆奏以慰厯念欽此

五十三年七月初五日奉

上諭昨據圖桑阿陳淮奏荆江夏汛泛漲潰決隄塍將府城及滿
城全行淹浸已有旨令舒常姜晟速赴該處詳細查辦矣此次
荊州被淹情形較重所傷人口必多朕披閱奏摺爲之惕然惻
然該督撫到彼後務宜詳悉查明加意撫卹一面奏聞一面動

給俾資接濟不可諱飾致兵民稍有失所至水所淹浸既在城郭地方或於田禾尙可無妨並著該督等逐一履勘如亦有被淹損傷之處卽一併妥爲撫卹據實具奏再閱圖桑阿等摺內稱隄塍潰決時衝開西北兩門水遂入城等語以所奏情形而論隄應在江之南而府城又應在隄之南乃輿圖並一統志圖內荊州府城又繪在江之北與所奏情形不符並著該督等卽將荊江在府城何方相距遠近若干隄塍在何處潰決詳細繪圖貼說呈覽將此由六百里諭令知之仍著將如何妥籌撫卹情形迅速據實覆奏以慰廛注欽此

荊州萬城隄志

卷首

諭旨

乾隆

五

五十三年七月初七日奉

上諭前據圖桑阿陳淮奏荊江泛漲府城被水衝淹已屢諭舒常等親往查勘妥爲撫卹矣其摺內稱西刻隄塍潰決江水直逼城下遽將西北兩門衝開等語前此荊州被水時水勢亦曾至城下當將城門關閉用土固塞城內並未衝入此次水淹府城若係衝塌城垣而入尙可諉爲人力難施今水逼城下衝開西北兩門自由城門並未固土辦理不善所致至隄塍各工尤爲禦水而設本日據軍機大臣查奏四十四六兩年荊州兩次被水俱曾借項興修隄塍用銀七萬餘兩及四萬餘兩不等分年

於各業戶名下徵還該處隄工因例歸民修向無保固督撫等
既不慎重揀派妥員辦理而承辦之員又以此項工程係動用
民力並不認真修築外省官辦工程尙有草率浮言情弊何況
民修之工官員等從中偷減浮開尤屬事之所有以致隄塍不
能鞏固屢被衝決而此次被淹情形尤重著傳諭該督等務遵
前旨卽將現衝隄工係何員承修查明嚴參著賠以示懲儆至
該處被淹兵民情狀可憫該督等務當遵照節次諭旨詳晰查
明加意撫卹所有此次撫卹被災各戶口以及修理隄工城垣
倉廩監獄並兵民房屋除官員衙署可以分年借廉修補外其
荆州萬城隄志

卷首

諭旨 乾隆

六

餘共需用銀若干之處並著該督等卽通盤約估大概先行具
奏若錢糧不敷又可速撥該督等務當親加履勘切實估計不
得一任屬員藉端浮報預爲侵冒地步也將此由六百里加緊
諭令知之仍將查辦情形迅速覆奏以慰廛注欽此

五十三年七月十一日奉

上諭前據圖桑阿陳淮奏荆州江水泛漲隄塍潰決以致府城及
滿城均被淹浸覽之惕然惻然已屢有旨諭令舒常等迅速前
往詳晰查明妥辦撫卹矣看來荆州被淹情形甚重本日又據
圖桑阿奏該處城垣四十四六兩年曾兩次被淹城垣本不堅

固此次被淹更重等語荆州城垣既兩被水淹此次因衝開西北兩門水直入城城內水深一丈餘尺雖漸次消落而城垣經此一番淹浸基址必至鬆動閃矧勢須另行修建朕意該處城垣屢被水浸自因江水頂衝之故而城內水至丈餘其地勢亦必低下可知但該處爲古來重鎮近乃屢被淹浸殊非捍衛久安之道或江路有所遷移乎茲既另需修建何必與水爭地莫若擇一地勢較高及非頂衝之處酌量移建庶可一勞永逸若該處民人安土重遷或難改徙不妨將城垣衙署酌移高阜處所收小改建亦無不可至該處城工既需另建而衙署倉廩監

荆州萬城隍志

卷首

諭旨

乾隆

七

獄以及駐防官兵房屋一切悉被水淹均須查明分別修建其被災人口尤應亟行撫卹需費浩繁該省藩庫所存銀兩必不敷用著於戶部庫內動撥銀二百萬兩並派戶部司員二人每人管解銀一百萬兩徑送荆州應用並著沿途各該督撫速備人夫車馱直省著派梁肯堂河南著派景安湖北著派李天培各派出道府營員一體護送以期迅速解到至此荆州城垣可否改建及尙可因舊朕不能懸度及一切撫卹事宜所關甚鉅恐舒常姜晟等見識未能周到阿桂歷經委任自能善體朕意德成於工程亦爲諳習著派令由郵前往勘辦所有城工應

否改建及如何籌辦毋致再被水淹之處著派阿桂會同舒常定議具奏改與不改阿桂定之其料估城垣倉廩及駐防官兵房間等項工程著交德成核實估計具奏阿桂德成接奉諭旨卽迅速起程前往不必前赴行在請訓其詳悉俟朕細思續有指示辦理之處卽行由驛陸續寄至阿桂等到彼當詳細籌勘妥協辦理不必泥於遵旨以副朕軫念兵民保障久遠至意其留京事務著綽克托代辦欽此

同日奉

上諭據圖桑阿奏荊州城垣四十四六兩年會兩次被淹城垣本

荊州萬城隄志

卷首

諭旨

乾隆

八

不堅固此次被淹尤重等語荊州城垣前經兩被水淹而此次水衝入城被淹尤重基址必至鬆動閃矧若僅間段粘修仍不能復資鞏固自須另行築建但荊州爲古來重鎮城猶是城江猶是江何以從古俱未聞有被淹之事而本朝百餘年來亦未聞此事乃十年之間四十四四十六及本年三被淹浸而此次江水竟至衝入城內是否因江流又有遷移密邇城垣以致頂衝受患著阿桂到彼務宜會同舒常親加履勘並留心訪問將近年江水有無遷徙情形據實查明具奏該處城垣旣須另建若仍在舊有基址建築所省無多而與水爭地將來或仍有潰

決兵民被淹成何事體自宜另度形勢選擇離江稍遠高阜之區另爲移建但是否果有其地朕亦難以臆度且該處地方富庶或人民世居其處未免安土重遷有難於移建之勢則又宜酌量情形將城垣收小讓出低窪之處不必與水爭地俾免受淹第城垣旣行收小滿漢兩城兵丁居民人等衆多恐不能容納朕意該處城垣若可移建爲是但朕遠在數千里之外無從懸揣總在阿桂到彼與舒常會同詳悉揆度通盤籌畫期於一勞永逸亦不必泥於遵旨德成止諳習估計工程於察看大局形勢非其所長且德成向與阿桂齟齬若令會辦恐

荊州萬城隄志

卷首

諭旨 乾隆

九

轉致掣肘所有酌量改建城垣一事竟著交與阿桂會同舒常詳悉定議德成毋庸攙置一詞其估計城垣及駐防官兵房屋一切工程則專交德成核實確估以專責成再該處隄塍修理未久如果工程堅實何至屢被水衝自因該工例係民修承辦之員並不認真妥辦佐饗者嘗草率從事甚或侵漁入己均屬事所必有前已有旨交舒常等查明嚴參恐該督等意存迴護或任令地方官捏稟以所修隄塍已被衝潰無從查考爲詞希圖朦混朕思隄隘道路綿亘雖被水衝潰斷無全行衝去之理卽被衝處所亦必有基址可驗德成於查工一事尙屬認真明

白著阿桂會同該侍郎逐一親加驗看如有工程草率及偷減情弊卽分別嚴參著賠又城門被水衝入時必係城門未經回土辦理不善以致水入城內亦著阿桂一併查奏至荊州爲

關聖帝君鎮守之地該處必有廟宇崇奉今城內水深丈餘恐廟貌亦不免漫損如將來城垣應須移建自將舊有棟宇移在新城建蓋若城垣實難移建務須將原有廟宇重行修整俾輪奐一新以壯觀瞻而崇虔祀其倉庫衙署監獄駐防官兵房屋各工亦俟城垣定議後以次分別上緊修建但各處駐防滿城俱不過於省會及府城內築立界牆以爲限制此次荊州若須改

荊州萬城隍志

卷首

諭旨 乾隆

十

建滿城亦止照西安杭州等處式樣於府城內築牆爲界不必另立一城致滋糜費其駐防官兵等據圖彙奏請借給銀兩以爲建蓋房屋買立馬匹等用分年扣還等語現已降旨賞給但此次被淹較重恐所賞銀兩之外尙有另當量爲撫卹之處業經降旨令戶部撥庫銀二百萬兩解往備用阿桂可卽於此項銀兩內撥出二三萬兩會同該將軍詳細查明如尙有應行安插撫卹者卽一面奏聞一面給發以副朕加意撫人有加無已至意至買馬一事另有旨將此由六百里各諭令知之欽此

五十三年七月十二日奉

上諭昨因圖桑阿奏荊州城垣四十四六兩年兩被水淹本不堅固此次被淹尤重等語因思該處城垣屢經淹浸或因江水遷移密邇頂衝之故且屢淹之後基址鬆浮自須另建何不選擇離江較遠高阜處所移建以期一勞永逸阿桂歷經委任於大局形勢較爲諳習是以派令前往會同該督履勘定議具奏但阿桂到彼尙需時日舒常於二十六日自省起程計此時早抵荊州著將昨日及本日所降諭旨先行寄與舒常閱看令其先將該處城垣究竟應移與否之處詳悉籌勘不必等阿桂到彼

荊州萬城隄志

卷首

諭旨

乾隆

十一

卽就所見據實迅速覆奏將此由六百里傳諭知之欽此

同日奉

上諭昨因圖桑阿奏荊州城垣四十四六兩年曾兩次被淹城垣本不堅固此次被淹尤重等語恐該處城垣屢經淹浸基址鬆動閃矧另須建築已派阿桂前往會同舒常履勘是否可以酌量移建並詳細論知矣但荊州爲古來重鎮城猶是城江猶是江何以從古俱未聞有被淹之事而本朝百有餘年來亦未聞此事乃十年之間四十四六及本年三次淹浸而此次江水竟至衝入城內情形尤重且閱輿圖志內荊州繪在江北若果在

江之北則水勢應由西南兩門而入何以此次又繞至北門殊不可解是否因近年江流又有遷移密邇城垣以致頂衝受惠是以昨思及該處城垣既需另建若仍舊基址與水爭地將來或仍有潰決不成事體因令阿桂前往確勘再定但城垣既移則衙署倉廩監獄等項概須搬移所費又恐不貲况該處素稱富庶民人世居其處亦不免安土重遷雖百姓願移與否尙可聽其自便而衙署等項亦可量爲收小然究恐需項浩繁朕意此次水勢雖衝入城旋即消退若文武大小衙署倉監等項不過稍爲浸溼或有房間尙好者或有基址未動者尙易收拾而

荊州萬城隄志

卷首

諭旨

乾隆

七

裔賈民居不至蕩析又不如不移之省便第昨據圖桑阿奏滿城地基較高尙被淹浸則水勢雖由西北兩門而入其東南各門恐亦一律淹浸或文武大小衙署倉監等項基址全行泡壞與其於鬆浮之地重行建蓋仍不堅固又不如擇一高阜處所收小移建之爲愈德成於工程尙爲熟諳著令其逐加詳勘並將該處城垣等工移與不移通盤估計孰爲減省據實具奏此事朕在數千里之外無由懸揣因反復思維究不能知移與不移庶官民兩便朕實無成見阿桂歷經委任必能善體朕意惟在阿桂等到彼詳細察勘虛心採訪妥商具奏以期一勞永逸

其荊州自本朝定鼎後曾否被水除交軍機大臣詳晰查奏外
並著阿桂等到彼後一併查明具奏至隄塍原爲禦水而設若
果隄工堅固不至潰決原不能遽至城垣與其挪移城垣而隄
工不固或又衝決被淹豈不徒滋勞費若城可不移莫若將所
省移城之費於修隄時量爲估計加高培厚認真修築俾崇墉
屹立亦足永資保障但該處隄塍興修未久何以卽被水衝自
因承辦各員見該工例係民修從中偷減草率情弊顯然著阿
桂德成務遵昨降諭旨到彼後親勘基址分別嚴參治罪著賠
至該處城垣無論移與不移但經此屢淹之後基址必不能鞏
固若僅間段粘修不久又虞損裂殊非長久之計總當重行建
蓋著交德成詳細察勘或將低窪之處讓出或另加高培厚堅
固建造以垂久遠將此由六百里再行傳諭知之欽此

五十三年七月十四日奉

上諭據阿桂奏前往荊州查勘應否改建城垣摺內稱向熟悉該
處情形之人留心訪問聞得荊州府治對岸一帶向有洩水之
路八處近惟虎渡一處現在尙可洩水其餘七處俱久在湮廢
江水分洩之路旣少又沙市對岸有地名窖金洲向來祇係南
岸小灘近來沙勢增長日漸寬闊江流爲其所逼漸次北趨所

謂南長北坍以致府城瀕江隄岸多被衝塌屢致淹浸其故或出於此等語已於摺內批示荆州爲古來重鎮城猶是城江猶是江何以從古俱未聞被淹之事而本朝百餘年來亦未聞此事乃十年之間四十四六及本年三被淹浸而此次江水竟至衝入城內朕卽疑必因江流或有遷徙密邇城垣頂衝受患所致今據阿桂查詢荆州對岸洩水之路竟有七處湮塞而窖金洲小灘近復沙勢增長寬闊以致江流漸次北趨府城瀕江隄岸多被衝塌淹浸觀現在被水情形則阿桂所言竟是該處受病有由已非一朝一夕之故而地方官之漫不經心已可概見

荆州萬城隄志

卷首

諭旨 乾隆

古

現在阿桂到彼尙需時日著傳諭舒常到彼先將荆州對岸一帶親加履勘是否實係該處洩水之路漸就淤塞窖金洲沙勢增長逼江北趨卽行查明據實具圖貼說覆奏不得因失查於前又復廻護於後阿桂到彼亦卽行詳悉查明覆奏又據阿桂奏荆州城垣一切佈置規模由來已久不便徑議更張卽當查看地勢或於府城瀕江處所建鷄嘴石壩之類逼溜南趨將窖金沙灘漸次衝刷等語所見甚是荆州城垣若需移建則衙署倉廩監獄等項概需搬移所費不貲况該處素稱富庶人民世居其地亦不免安土重遷朕意若府城可以無需移建自以不

移爲是昨已降旨阿桂到彼務宜與舒常察看情形悉心籌酌若該處文武衙署並倉廩等項不過稍爲浸溼房間基址未動尙易收拾而商賈人民不致蕩析自可無庸將城垣移建卽當於瀕江處所酌建石壩逼溜南趨再將從前洩水故道擇其疏消得力易於修復者卽爲挑復並將窖金洲上挑挖引河俾府城不受水頂衝自可長期鞏固阿桂歷經委任具悉形勢務與舒常酌籌盡善因利乘便妥爲辦理總期一勞永逸方爲全善將此由六百里傳諭知之欽此

五十三年七月十八日奉

荊州萬城隄志

卷首

諭旨

乾隆

五

上諭據舒常奏馳抵荊州查明被水情形一摺並據繪圖呈覽詳閱圖內沿江隄工漫潰至二十餘處各寬十餘丈至數十丈不等是此次荊州被淹較重竟由隄塍不固所致該處隄工於四十四四十六兩年被水後均曾借項興修如果工程鞏固何致屢被漫決外官習氣不堪官工尙且思肥己况此項工程例係民修向無保固承辦之員並不認真妥辦草率從事甚或侵漁入己均屬事所必有屢經降旨交阿桂等查明嚴叅著阿桂等到彼後卽會同舒常等詳細查明以十年爲限所有現決之隄工如在十年以內興修者承修之員俱當從重治罪仍著落賠

補其監修之該管道府及藩司督撫等亦著一併查參分別議罪著賠嗣後並著定限保固十年如在限內衝潰者卽照此嚴行參處以示懲儆此次荊州被淹旣因隄工不固之故則該處城垣自以不移爲是著德成到彼後詳細查看堅實重修以垂久遠其衙署倉監等項並著阿桂德成等會同確勘分別動借以次興修至該處隄塍爲全郡保障所關甚重從前因係民修以致地方官辦理不善意尅減屢被衝潰況該處民人現在被災較重朕心方爲惻然亦不忍再令其自行修理所有此次應修各隄工竟著動項興修官爲辦理並著阿桂德成妥爲估

荊州萬城隄志

卷首

諭旨

乾隆

六

計務期加高培厚認真修築俾崇墉屹立永資抵禦其將來每歲修理需費無多再照例辦理以示體恤又據舒常圖桑阿等奏坍塌兵房請借銀修復分年扣還一摺此次被淹尤重所有該兵丁修復房屋各費朕亦不忍復令其扣還前已有旨竟全行賞給並著阿桂等到彼後卽遵前旨會同查明妥辦仍酌量撫卹俾無失所至城廂內外淹斃大小男婦人口經舒常等查明共有一千三百六十餘名此等民人因躲避不及倉猝淹斃實堪憐憫皆當賜卹其餘各災戶現在城上搭棚居住者尙有一萬餘人雖據舒常奏連日天氣清明兼之撈獲各倉溼米散

給餉口人心安恬覽奏爲之稍慰但各災戶被淹之後房屋倒塌棲止無所而田禾被水淹漫亦恐多有損傷著舒常等卽先行詳悉查明加意撫卹似此重災祇當期於無遺不必復言無濫該督等宜善體朕意妥協辦理也又據姜晟奏接准督臣咨會續調銀二萬兩錢四千串解赴荊州應用已飭照數解往等語荊州現有修建隄塍城垣各工及撫卹兵民之用需費浩繁慮該省藩庫所存不敷動用早發戶部銀二百萬兩派員迅速解往並著阿桂到彼通盤約算如尙不敷用卽據實奏聞以便再行撥解應用欽此

荊州萬城隄志

卷首

諭旨

乾隆

七

五十三年七月十八日奉

上諭據舒常奏荊州沿江堤工漫潰至二十餘處各寬十餘丈至數十丈不等並繪圖呈覽是此次該處城內被淹由隄塍不固所致已降旨令阿桂等將十年以內承修該管各員查明分別嚴叅治罪著賠矣此事前據圖桑阿陳淮奏隄工潰決後江水衝開西北兩門而入朕意該處西北二門被衝大江自應在作府城之北及查閱輿圖及一統志圖大江皆在府城之南昨據舒常所進之圖又與輿圖所繪南北方向相同江旣在南則城內被淹時水勢自應由南門而入何以此次又繞至北門殊不

可解此必從前承修隄勝各員見該工例應民修任意草率偷減侵肥人已該管上司復不以此爲事以致工程不固一經江水漲發不足抵禦在在潰決江水建瓴而下並將非頂衝處所亦被衝淹况閘圖內隄工潰決共有二十餘處自係迤西之隄先行潰決是以水勢由西南繞至西北遂至衝開北門入城以致成此大災無疑昨福建臺灣文武員弁因循玩誤肆意貪婪竟至釀成逆案不得不澈底究辦湖北吏治亦屬廢弛已極活埋冒賑之案相繼敗露其辦理鹽務輒敢私立匣費名目大小官員染指肥橐累商滯課今於承修隄工又復一任劣員肥己

荊州萬城隄志

卷首

諭旨

乾隆

十六

誤公屢被衝潰而此次江水竟至淹入城內被災甚重前據圖桑阿查奏滿城淹斃者共四百餘名昨又據舒常查奏府城大小男婦淹斃者一千三百餘名外省官員於災傷向有諱飾茲報出者已有一千三百餘名之多則其諱匿不報者必尙不止此數想來不下萬餘此等災戶流離顛沛傷斃多口可憫可憐皆由隄工不固以致罹此重災若不將承辦及該管之員從重治罪又何以示懲儆而慰輿情除交軍機大臣將十年以內歷任湖北督撫藩司及荊州道府詳細查明具奏外著阿桂到彼後將十年以內承修隄工官員暨該管各上司一體詳查嚴叅

分別從重治罪仍著賠補用昭懲創至沿江隄塍爲百姓保護田廬而設固應動用民力此次因被淹甚重朕不忍令被災之民按例修理業經降旨動用帑項官爲堅實修築永資保障俟將來每歲修理需費無多再照例辦理但該處民人甚衆若竟歸於民修不復官爲經理則百姓等誰肯首先出資踴躍從事卽如井田之制宜古者未必宜今若此時而沿襲井田卽雨我公田遂及我私之句亦徒虛語是將來修理隄塍各費派之於民而仍當官爲經理第不肖官吏於官工尙思侵剋肥己矧此項工程例歸民修並無保固官員等不特於需費之外可以藉

荊州萬城隄志

卷首

諭旨 乾隆

十九

端加倍灑派入其囊橐而且草率從事偷減侵漁均屬事所必有其該管上司又因係民修之工遂爾漫無查察殊非慎重隄防保護民命之道自應立定章程於應修時專派大員確切勘估借項興修俟報部核減再按畝攤徵歸欵並定以保固年限如在限內有潰決之事卽嚴叅治罪著賠廢工程可期永固而官員亦不敢有侵蝕情事方爲妥善除此次應修之隄交阿桂德成妥爲估計動項官辦外其將來民修隄工作何稽查保固之處著阿桂到彼後卽會同舒常悉心妥議具奏再舒常所進之圖未甚明晰閱之不能了然著該督撫卽將此項隄塍先由

何處衝決江水又因何繞至北門其被淹各處所係何地方另行展開圖幅詳細繪畫貼說呈覽欽此

五十三年七月二十日奉

上諭前因荊州被水較重一切修理城垣撫卹災戶等事該省藩庫所存銀兩必不敷用因命於戶部庫內撥銀二百萬兩派員分起迅速解往業據戶部奏覆頭起銀一百萬兩已於十九日派員領解起程矣茲據畢沅奏豫省藩庫現有地丁銀一百八十餘萬兩本應歸入秋撥案內候部撥用請卽於司庫撥銀一百萬兩委員解往襄陽府交收一面飛咨湖廣督撫委員接解

荆州萬城隍志

卷首

諭旨 乾隆

二

似於運送倍速等語現在部庫頭起銀一百萬兩業已起程而二起尙未起解著卽照畢沅所請於河南藩庫內撥銀一百萬兩委員解赴湖北一路迅速接遞解到荊州以供應用其戶部二起銀一百萬兩竟著停止如此一轉移間既可省陸續撥運之煩而就近解往荊州並可早得接濟將此由六百里傳諭戶部堂官並諭畢沅知之欽此

五十三年七月二十六日奉

上諭現在荊州被水甚重皆由隄工不固所致因該處隄工向係民修並不報部核銷是以一面諭令阿桂等查明辦理一面令

軍機大臣查各省民修各工向俱是否報部茲據查奏各省修浚隄河等工有借項里民自行經理並不造冊送部者有借項官爲經理工竣造冊送部備案者亦有借項造冊具題核銷者是各省民修之工並非全行報部核銷章程本不畫一立法未爲妥善修浚隄河等工原爲保護田廬疏消積水起見向係民間修理者原不便遽動官項且各處隄工甚多豈能一一官爲修理但因係民修之工竟不立定章程報部核估僅令官爲經理則外省官員於官工尙思侵剋肥己矧工程例歸民修者無保固查銷不肖官吏等不特於需費之外可以藉端加倍灑派

荊州萬城隄志

卷首

諭旨

乾隆

三

入其囊橐而且草率從事偷減侵漁均屬事所必有該管上司又因向例民修遂爾漫無覺查工程豈能永資鞏固幸而各處隄工尙安穩無事是以從未覺察現在荊州護城隄潰決至二十餘處之多卽其明證豈可不嚴定章程令其一併報銷保固嗣後民修各工除些小之工無關緊要者仍任民間自行辦理外如係緊要處所工程在五百兩以上者俱著一體報部查核予以保固限期興修後再行酌令百姓出貲歸款各工既有查核承修各員自必有所顧忌不敢任意從中侵剋且有保固限期亦自不敢草率辦理庶工程可期久固而閭閻不致有被淹

受害情事此正係朕爲保護民生節省民費起見各督撫務宜仰體朕意遇有民修之工妥爲辦理嚴加查核報部如有仍前任令屬員從中剋扣草率從事之處經朕訪聞或經科道叅奏百姓告發不特將承辦各員從嚴辦理必將該督撫一併從重治罪著爲令欽此

五十三年七月二十九日奉

上諭據舒常奏荊州此次江水漲發因萬城隄潰決以致郡城被淹與窖金洲無涉等語可見荊州此次被淹尤重總由隄塍不固所致因閱所進圖內郡城江面迤西有沙洲一道距現決隄

荊州萬城隄志

卷首

諭旨

乾隆

三

工不遠或江水至此爲其所逼北趨以致潰決亦未可定但該洲長二里寬一里勢不能全行剷除或於洲尾酌量開挑引溜南趨或酌建挑水壩挑溜往南俾隄工不致著重卽如江南陶莊自開挑引河後引溜北趨清口得免倒灌此阿桂之所稔知者著傳諭阿桂到彼後卽詳細履勘將龍洲一帶江水至此是否爲其逼及是否可以設法辦理之處卽行妥議具奏不必泥於遵旨但此次江水直衝大城究由隄塍不固在在潰決以致成此大災現在自以堅實修築隄工爲要屢有旨諭知阿桂等矣本日據舒常奏請將萬城隄通行加高培厚再於龍洲尾玉

路口二處加築挑水磯頭逼溜南趨似可無虞水患等語舒常所奏是否可行之處著交阿桂一併履勘詳查議奏將此由五百里諭令知之舒常摺圖俱著發交阿桂閱看並諭舒常知之
欽此

五十三年九月初一日奉

上諭據阿桂奏查勘荆州被水情形一摺內稱荆州水患詢之該處官員兵民人等咸以窖金洲侵佔江面漲沙逼溜爲言且言不自今日始經阿桂等親往履勘屬實並查有本地蕭姓民人於雍正年間至乾隆二十七年陸續契買洲地種植蘆葦每年

荆州萬城隍志

卷首

諭旨

乾隆

三

納課因貪得利息逐漸培植每遇洲沙漲出蘆葦卽環洲而出阻遏江流沙面漸闊江面卽愈就窄狹是以上流壅高所在潰決等語窖金洲漲沙逐年漸長侵佔江面逼溜北趨以致郡城屢有潰決之事其受病之源實由於此該處官員兵民人等衆口一詞且其說相傳已久該督撫等經四十四四十六年兩次被水之後仍不留心查察置若罔聞直同聾瞶所司何事又蕭姓置買洲地種植蘆葦牟利肥家已非一日此項洲地原因沙漲而成何以謂之祖業必係爾時蕭姓賄求地方官薄認輕租所得耳現在荆州被水數萬生靈咸受其害情節甚屬可惡現

所偏重卽如楚省匣費日漸加增而近年督撫等所見尤厚前
舒常來京陛見經朕面加誨問伊亦不敢不據實承認舒常係
小心拘謹之人是以經朕誨問不敢欺飾且伊尙不能不從中
染指則此外各督撫不問可知是此案卽將近年之督撫等從
重懲儆於伊等亦無所委屈朕辦理庶務一秉至公固不肯以
事經年久令後人獨任其咎而於輕重權衡務求平允卽令伊
等捫心自問亦當無所置喙也將此通諭知之欽此

五十三年九月初二日奉

上諭湖北荊州窖金洲地方漲沙逼流蕭姓民人貪圖洲地利息

荊州萬城隍志

卷首

諭旨

乾隆

五

種植蘆葦擁逼江流致郡城被災甚重該省督撫平日於此等
關係民生要務置若罔聞視同膜外業經降旨將督撫等分別
拏問嚴斥示儆至陳淮現任藩司於地方利病並不留心體訪
預行籌辦咎無可辭本應同舒常等一併革任第念藩司前因
馳赴長陽查勘水勢及回至荊州適值該郡被水該藩司卽督
文武各員上緊紮筏僱攬船隻分救被淹人口併辦理一切撫
卹事宜尙屬認真不辭勞瘁除該郡隄工應賠銀兩俟阿桂等
查奏著落分賠外陳淮著加恩仍留藩司之任免其革去頂戴
從寬改爲革職留任八年無過方准開復欽此

五十三年九月二十二日奉

上諭據阿桂等查抄荆州府蕭姓民人家產請將勒休都司蕭夢鼎一併革職解部治罪一摺內稱訊據蕭逢盛供窖金洲是伊祖父於雍正七年起至乾隆二十七年止陸續買自石首縣民人王齊葉張楊五姓的等語各省民田廬舍俱有管業之人始准其輾轉售賣今江心漲出沙洲自係官地無論何姓皆不得據爲己業若云蕭姓所墾洲地買自王齊葉張楊五姓則此五姓民人又因何敢私占官地必係奸民見江中漲有沙洲認種可以獲利遂藉詞陞科呈請開墾而地方官受其賄賂因而準

荆州萬城隍志

卷首

諭旨

乾隆

美

行既據蕭逢盛供係伊祖父於雍正七年起至乾隆二十七年止陸續買自王齊葉張楊五姓雖雍正年間閱時已久而契冊可以調查窖金洲乃係官地該五姓民人因何准其私相售賣抑係此五姓從前又向何姓轉買實在起自何時亦無難逐一清查著阿桂畢沅務將此項洲地係何姓始行私占開墾何地方官得其賄賂准其私佔之處再行詳細確查據實具奏至前令阿桂等將蕭姓家產查抄者原因窖金洲適處江心逼東溜勢而蕭姓一味漁利於洲上多種蘆葦以致蒺藜環生沙洲不能刷動日漲日寬逼溜北趨衝決隄塍淹斃數萬生靈皆伊一

家貪利貽此鉅害此而尙令坐擁富厚何以示懲儆而慰輿情現據阿桂等將伊家產查封具奏但此項查出財產不可照例大官著阿桂等卽分別估變留於該處以抵工賑之用使爲富不仁者知所做戒欽此

五十三年十一月十二日奉

上諭畢沅奏荊州修築玉路口隄塍已有七分工程楊林洲鷄嘴壩黑窰廠裏頭亦次第築做畢沅親赴該處查看石磯已出江面約長七丈溜勢稍覺南趨將來接長做去似可冀挑溜得力等語荆江一帶隄工總以大江溜勢北趨易於漫潰今楊林洲

荊州萬城隄志

卷首

諭旨

乾隆

七

石磯做出七丈溜勢已挑向南開此是極好機會正當乘此水弱之時趕緊進做得尺則尺該督卽督飭在工員弁勉力妥辦並繪圖貼說具奏呈覽至萬城隄上居民雖屬相沿已久但隄工之上蓋有廬舍且約有萬餘家之多於加高培厚究多妨礙自應諭令遷移居住况官爲給予屋價亦可無慮失所現已折卸讓出將來務宜嚴飭地方官隨時查察勿任再有私佔居住之弊又據奏本年監利縣地方因江湖漲漫將東鄉之孫張王公月隄二處普漫該縣隄工本係民辦但今年被災較重請借帑興修按年攤徵等語監利爲江陵下游隄塍亦關緊要荊州

萬城隄工現既加恩動項修築則監利地方本年被災亦重該處工程此次自應一體動帑修築想畢沅因爲數稍多不敢遽行懇請故爲此借項攤徵之奏但朕於軫恤災黎保護民生起見從不稍存靳惜所有此次應修監利隄工銀兩俱著加恩准其動用官項將來再照例辦理以示朕格外體恤至意將此由四百里傳諭知之欽此

五十三年十一月

上諭本年湖北荆州被水現經修築隄工加高培厚並改建城垣永資鞏固因思向來沿河險要之區多有鑄造鐵牛安鎮水濱

荆州萬城隄志

卷首

諭旨

乾隆

三

者蓋因蛟龍畏鐵又牛屬土土能制水是以鑄鐵肖形用示鎮制此次荆州被災甚重聞係蛟水爲患現在該處新築隄工著傳諭畢沅於荆州萬城隄及沙市等處形勢扼要處所相度緊要頂衝酌量鑄置鐵牛以鎮隄壩亦預弭水患之一法欽此

五十四年某月某日奉

諭本日據畢沅具奏荆州楊林洲新添磯嘴隄工已挑砌出水長十丈江溜比前漸見南趨對岸窖金洲露出沙脚被江溜搜刷勢漸潰塌其黑窰廠碎石裹頭已挑砌出水長四丈餘溜勢亦漸挑開甚爲得力等語所辦好荆州一帶隄工總因大江溜

勢北趨易於漫潰今楊林洲石磯業經做出十丈江溜益覺南趨對岸沙洲被溜勢搜刷四面沙腳漸有日消之機實是大好機會正當乘此江水歸槽之時向前拋砌碎石並行加高幫闊其黑窰廠裏頭亦照硃筆點出處所再行砌築直壩以期溜勢日漸挑開得尺得寸日起有功該督務須飭令在工員弁認真趕築實力妥辦至玉路口等處隄塍補還缺口加高培厚各工亦當趕緊妥速辦理務於明年三月內一律完竣方爲妥善將此諭令知之欽此

五十四年二月初一日內閣奉

荊州萬城隄志

卷首

諭旨

乾隆

无

上諭畢沅奏楊林洲磯礮壩原估十五丈已如數拋砌窖金洲嫩沙刷去三百四十餘丈黑窰廠裏頭原估長五丈今已做出七丈對面沙灘亦經刷去一百二十餘丈溜勢愈覺南趨仍日見潰塌畢沅親赴該工相度形勢苟可向前進估總當極力做出俾溜勢日挑日遠以冀浮沙盡去刷動窖金洲老土礮等語並據繪圖呈覽所辦是但閱圖內所繪黑窰廠裏頭取勢太直若復往南進做不特恐致著重且江水至此已成入袖兼慮激回波衝北隄不能復向南挑朕意應順向東南不妨略長以次進做因勢利導溜勢自然往南開則窖金洲土礮可期逐漸刷盡

已於圖內用硃筆標誌著發交畢沅卽覆加履勘酌量妥辦並
將應否如此辦理之處據實覆奏至楊林洲雞嘴壩現做出十
五丈黑窰廠裏頭現做出七丈窰金洲淤沙已刷去數百丈不
等可見荊州隄工屢次潰決而上年被淹尤重總由窰金洲之
上種植蘆葦以致淤沙日漲日寬逼溜北趨隄塍因而衝決舒
常平日在彼既不能預行查察迨降旨詢問尙稱此次荊州被
淹與窰金洲無涉實難辭咎而蕭姓民人惟圖肥己不顧佔礙
地方水利釀成大災淹斃多命將伊治罪尤屬情真罪當毫無
屈抑也將此通諭知之欽此

荊州萬城隄志

卷一

諭旨 乾隆

三

五十四年三月二十八日奉

上諭荊州萬城隄各工向屬民修地方官不能妥爲經理上年夏
間江水泛漲漫決多處因命大學士阿桂等前往詳悉查勘分
別熟籌具奏朕以該處隄工爲全郡保障特命動帑興修並指
授機宜令將楊林洲鷄嘴壩儘力進做逼江溜向南其黑窰廠
裏頭直接築砌逼溜俾隄塍益資鞏固茲據畢沅奏萬城隄暨
石磯各工全行完竣工程一律堅實荆郡地形卑下向受水患
而沙市尤當衝要今築長隄以遏江流復設石壩以逼溜勢嗣
後沙市街岸可冀穩固無虞等語覽奏欣慰此次工程浩大畢

沅能遵照指示機宜督率在工文武認真辦理妥速竣工着交部議叙其在工之藩司陳淮以及各員弁等並著畢沅查明實在出力者分別等第咨部議叙又據另摺奏調往之南河遊擊田宏謨派令總理土石各工始終勤奮降革之知府史湛知縣沈清直承辦鉅工亦能出力又現陞浙江同知之孝感縣知縣高爲濟在楚年久辦工熟諳各等語田宏謨著賞戴花翎遇應陞缺出題補史湛沈清直准其捐復原官交與畢沅等差遣委用高爲濟著留於該省接辦城工遇有同知缺出奏明補用摺併發欽此

荊州萬城隄志

卷首

諭旨 乾隆

三

五十四年三月某日奉

上諭據畢沅奏續添荆江鷄嘴壩工及打築萬城隄工情形各摺內稱黑窑廠碎石裏頭遵照諭旨改爲鷄嘴壩砌出江面順向東南接做共長十八丈又楊林洲砌出江面二十一丈自兩壩接出後對面窖金洲浮沙已刷去東西長四百七十八丈南北寬六十五六丈江面較前寬濶統計添做碎石工程共需例價銀五萬三千一百餘兩又萬城隄現在做有九分工程三月卽可一律告竣惟楚省築隄並無夯礮一法土方例價不符礮工現在召募岳州人夫酌給礮價不敢稍存惜費之見等語荊州

黑窩廠等處壩工畢沅等遵照指示機宜添築碎石接砌磯頭挑溜甚爲得力現在窖金洲沙岸日見衝刷業已著有明效畢沅等所辦甚爲妥協卽添估多需銀兩亦所不惜惟期工程鞏固足資挑刷淤沙俾大溜南趨窖金洲逐漸刷盡江流復舊最爲緊要至土工經久全恃層土層礮畢沅添僱礮工不存惜費之見所辦亦是又另摺奏荆州滿營兵房現在修理完整者已有十分之七荆州城內外居民生計已覺從容市寰俱復舊觀民情均各寧說等語覽之極爲欣慰其所奏此次兵房俱係各兵丁領銀自修大小各從其便不能與原估工程相符懇請免

荆州萬城隍志

卷首

諭旨

乾隆

三

其報銷等語此項兵房上年賞給帑項銀兩既經各兵丁領銀自修若再令其報部核銷轉恐部中書吏從中需索徒滋往反駭查轉非惠恤各兵之意畢沅奏請免其報銷足見曉事著照所請毋庸報銷以省案牘惟荆州城工照估修築堅固仍報部核銷以期經久畢沅摺併發欽此

五十四年四月初七日奉

上諭畢沅奏荆州郡城水津門外逼近護城河萬城隍工在城之西面上年江水漫溢該處適當頂衝請停止補建查西門是佛第地方設有水溝爲西南宣洩各水之所於乾隆二十一年後

被民房阻塞現已查出水溝舊址仍飭疏流儘可宣洩積水等語所辦好是佛第一帶水溝向爲宣洩積水之路乃被居民分占阻塞現經畢沅查出疏通但恐日久弛懈居民又復漸行侵占不可不永行禁止著傳諭畢沅卽交地方官立碑嚴禁並時刻留心查察毋許附近居民在彼搭蓋房屋如有仍前占住以致阻礙水道者惟該地方官是問其另摺奏修廟宇考棚之處自所應辦已如議行矣將此傳諭知之欽此

五十四年十一月某日奉

上諭畢沅奏建築郝穴鎮碎石壩工及潛江縣易家拐補築隄勝

荆州萬城隄志

卷首

諭旨

乾隆

三

一摺江流浩瀚向無施工之事而沿江一帶隄塍百有餘年並未有一工卽云此項工程例係民修但旣借帑墊辦仍須按糧攤派小民生計有常豈能於額徵之外復又增加且江隄工作此項今旣民爲經理立有成規則每年必須循例歲修所有工價錢糧雖據稱公舉誠實紳耆專司收放但督率稽查仍不能不假手於官吏其中難保無勒索扣剋情弊是衛民之事轉致累民殊非惠愛閭閻之意此次畢沅所奏應修各工卽爲保護郝穴鎮市及江陵等縣城垣起見著交軍機大臣速議外嗣後沿江一帶隄塍倘有實在關係民生應行修防各要工方准據實

奏明候旨遵辦其無關緊要者不得藉詞民爲捐修濫添工作
以啟官吏派累浮銷之弊將此通諭知之欽此

荊州萬城隍志

卷首

諭旨

乾隆

三

嘉慶元年八月二十八日內閣奉

上諭前因湖北省荆門潛江等九州縣先後被水浸淹節經降旨令該督撫實力查辦務使災民口食有資不致一夫失所今據汪新奏續查江陵監利公安石首松滋五縣五六月間江漢同時並漲民田廬舍多被淹浸現雖間段涸出而節候已遲不能補種實已成災等語覽奏深爲憫惻著卽令該撫速將該五縣災民照例先行撫卹一月口糧其淹塌房舍亦卽照例分別給予修費俾資口食棲止該撫董率所屬實心妥辦毋使吏役人等侵冒剋扣以副朕軫念災黎至意其江夏嘉魚二縣該撫未能分身前往現飭祖之望就近查勘益著卽飭該藩司迅速查明妥行撫卹毋稍延緩至沿江一帶隄工前據畢沅奏請借項興修朕以該省教匪滋事處所旣被兵火未經滋擾之地復被水災雖已將該處應徵錢糧蠲免三年恐民力尙有拮据已降旨加恩將此次隄工官爲修理無庸徵還汪新自係未曾接奉前旨故有此奏惟當切實勘估趕緊修築務使工歸實用方爲妥善又另摺奏秋汛安瀾江工穩固一摺此皆神明護佑所致特發去大藏香二十枝交與該撫於江神廟敬謹祀謝其効用捐職布政使理問陶琛捐職布政使經歷沈思詵旣據該

荆州萬城隍志

卷首

論旨

嘉慶

三

撫奏稱差委得力卽照所請留於湖北各照原銜酌量補用欽此

荊州萬城隄志

卷首

諭旨

嘉慶

三

道光三年十月初七日奉

上諭御史陳澧奏江漢隄防利弊及襄樊情形各一摺據稱湖北地處江漢下游全資隄防保障如潛江天門沔陽漢川等州縣居民沿河築隄爲垸其各州縣佐貳分管附近隄垸者爲汛員其業民輪年催修者爲隄頭圩長其河流盛漲各村莊農民邀約沿隄巡防者則謂之遊夫水漲時各垸遊夫聚衆遇險幫同搶護或值漫口則催逼隄戶逼令堵塞凶頑之徒遇事生風拆毀房屋甚至啟釁械鬪釀成巨案緣各汛員名爲上隄催修實祇取隄頭圩長規禮於隄塍加高培厚置之不問河水泛漲又不親詣防護以致隄垸日壞其荊州萬城隄襄陽老龍隄城邑皆資保障尤當認真辦理等語著李鴻賓等嚴飭有隄垸州縣按照歲修工程督率汛員逐段催修務期一律完固如有業戶抗修及汛員收取規禮貽誤隄工等事立即懲辦將此諭令知之欽此

十二年正月二十四日奉

上諭盧坤等奏荊州萬城隄工請改歸知府承辦一摺湖北荊州府萬城隄工爲全郡保障向係水利同知專管歷屆歲修由該同知勘估詳辦飭縣按糧攤派督率收繳興修茲據該督等查

荊州萬城隄志

卷首

諭旨 道光

三

明近年水勢盛漲歲修工費逐年加增該同知催費督修均不能得力請改歸荊州府承辦著照所請此項隄工著自本年爲始改歸荊州府知府承辦該府先期親詣勘估詳定飭縣照例按糧派費繳存府庫由府慎選紳耆充當董事不許假手吏胥仍令該同知督率稽查務於春汛以前完竣毋任草率延誤以專責成欽此

十三年十月初四日奉

上諭據御史朱達吉奏湖北連年被水必有致患之由該省之水江漢爲大欲治江漢之水以疏通支河爲要而隄防次之近日

荊州萬城隄志

卷首

諭旨 道光

吳

支河淤塞諸湖受水之區其洲渚亦多被民間侵占以致水無所容江水橫決爲災請疏江水支河使匯於洞庭湖疏漢水支河使北匯於三臺等湖並疏江漢之支河使分匯於雲夢七澤之間隄防自可漸固水患亦可稍息聞前任總督盧坤曾議開濬支河委員查勘已有端緒因經費未裕未及奏辦有案可稽等語洞庭湖界北南二省爲衆水聚會之地江漢支流有所匯歸自不致衝決爲患該御史所奏開濬支河以工代賑亦屬一舉兩得之計盧坤前在湖廣總督任內是否委員查勘因經費不充未及辦理著訥 尹 吳 體察情形遴委明幹

大員相度地勢諮訪輿情清出支河故道倘查明亟應興修卽在該督等前請撥鄰省銀二十五萬兩內趁此水落歸槽之際擇要興工以工代賑庶於水利民生兩有裨益該御史原摺著鈔給閱看將此各諭令知之欽此

十三年十一月二十九日奉

上諭有人奏江漢修防事宜一摺據稱楚北隄工有官徵土方紳士領修者有民間自爲修理者有官督民修者俱不能無弊而惟官督民修之弊爲尤甚不若改爲官修以專責成至旣改爲官修後必應定考課之法請倣照河工經歷三汛後督修承修

荊州萬城隄志

卷首

諭旨

道光

三

官應如何分別勸懲嚴定章程每年由道府核實結報督撫具奏並請將同知通判等官事務較簡者酌改爲江漢二防廳員所屬州縣中有隄工較長者令其分段管理一切修防事宜及三汛收課均照州縣之例又楚北隄工並不預備土牛應於每年勘估時卽將土牛一併估計向例所納蘆課改徵柴束以濟工用並每三里設隄正隄夫飭令巡防又宜相度情形於內面近隄本有河港者因而開通之原可分洩之支河疏濬之其潰隄難堵者順勢利導之務使水分其勢不致壅遏爲患各等語湖北頻年水灾下游各省均受其患必應及早修防永資保護

著訥 等將所奏四條與該省現在情形悉心體察詳細妥議具奏務期水利民生均有裨益原摺著鈔給閱看將此各諭令知之欽此

十四年六月初六日內閣奉

上諭訥

等奏遵旨查明江漢支河分別疏通挑並籌議修防一摺前據御史朱達吉奏湖北連年被水以疏通支河爲要當經降旨交該督等查勘興修茲據查明沔陽天門境內有牛蹄支河一道現在間有淤墊之處又通順支河一道於漢陽縣所轄之沌口地方係達江隘口近來積淤深厚均應大加挑挖惟現

荊州萬城隍志

卷首 諭旨 道光

罕

當汎水長發之際難以施工俱著俟秋後確估興挑以資宣洩至濱臨江漢各隄前經訥 將上年漫水及頂衝險要各隄工勘明存記著卽委員會同地方官擇其要緊之處先築子埝並堆土牛以防盛漲俟秋後查照大汎水痕再行幫培高厚其前存撫卹餘剩銀十萬一百餘兩著先儘挑河動支如有盈餘卽留作修隄之用仍分案造冊核實報銷毋任稍有草率偷減該部知道欽此

二十一年十二月十四日內閣奉

上諭裕泰奏借項修築隄塍一摺湖北江陵公安二縣漫決各隄

本係歲修應行派土之工據該督查明該二縣連年被水民情拮据無力修辦著准其江陵縣虎渡汎歲修各隄不敷銀三萬一千兩公安縣江支各隄不敷銀二萬兩在於司庫正項內借動興築俾資捍衛該督卽責令該道府等督催稽查務使工程堅實費不虛糜勒限春汎前一律完竣核實驗收照例保固所借銀兩分限四年派土徵還歸款以紓民力免其造冊報銷餘著照所議辦理又另片奏查勘萬城大隄二十三工內橫隄一工因本年夏秋二汎異常泛漲將外灘洗刷坍塌江水直逼隄根仍須拋砌石岸以資保衛亦著照所請准其將原領發商銀

荊州萬城隄志

卷首

諭旨 道光

聖

四千五百五十兩零於隄面興工趕緊辦理該部知道欽此

二十二年六月十五日內閣奉

上諭據祿普等奏荆江大隄衝決郡城被淹已降旨交裕泰等查勘辦理矣茲據該督等奏荆江水勢盛漲連日大雨將上漁埠頭工段漫缺一口刷寬數十丈水由西門遶過以致城垣倉庫監獄亦被淹浸等語荊州萬城大隄爲闔郡保障現在江水盛漲城鄉被淹亟應查明撫卹裕泰已由水程馳赴荊州著卽督飭該地方官將被水居民妥爲安撫毋使流離失所並將隄工趕緊修築以禦伏汎至歷任承修各員著該督遵前旨據實叅

十八兩零著照議在於捐輸及各項生息項下如數借動發交
具領開工並飭該道府等照估趕修勒限春汛以前一律完竣
核實驗收照例保固如有草率偷減卽行嚴叅辦理所借款項
著於道光二十三年秋後起由江陵縣在於受益業民名下分
派八年徵還歸款此項工程仍准免其造冊報銷其馬家渡官
湖垸各民工潰口均著照議分別趕辦該部知道欽此

二十四年正月初八日內閣奉

上諭趙炳言奏紳民捐修石磯工程請分別獎勵一摺著該部議
奏此項工程免其造冊報銷另片奏補黃岡縣縣丞湯景隨同
荊州萬城隍志

卷首

諭旨

道光

三

勸捐並駐工次晝夜督催俾要工克期修竣湯景著准其以應
升之缺升用該部知道欽此

二十四年七月二十三日奉

上諭裕泰等奏荆江水漲隄段漫缺被淹一摺據稱本年水勢異
常泛漲將李家埠五號內老隄漫溢成口刷寬十餘丈郡城間
有滲漏並西門閘板被水衝翻灌入漢城又江陵縣所管南岸
虎渡汎江支各隄亦有漫溢之處該督卽前赴荊州趕辦搶堵
等語荊州萬城大隄爲闔郡保障現因水漲泛溢被淹亟應妥
爲安撫該督等旣經委員前往查勘著飭卽將被水居民妥速

查明分別撫卹毋令一夫失所其應修各工並著趕緊搶築以防復淹該隄歲修既係該府承辦可見平時經理不善以致臨事不能搶護裕泰現在親赴該郡著卽確切查明各隄是漫是潰有無保固及被淹輕重情事據實嚴叅至該處隄工屢經動項修築何以一遇盛漲卽致漫溢並著該督將全隄形勢通行履勘務使一律堅固保衛有資毋得苟且目前將就了事將此諭知裕泰並諭趙炳言知之欽此

二十四年七月二十六日奉

上諭恒通等奏荆江泛漲郡城被淹並水勢漸退情形一摺據稱

荆州萬城隄志

卷首

諭旨

道光

四

荆州李家埠隄身漫溢成口刷寬十數丈旋將西門閘板臍斷水向城內灌注界城衝倒淹及滿城水勢散漫軍械人口先期移避該將軍等飭屬巡防數日水漸退出城垣多有塌陷官兵房間倒塌甚多現飭搶堵補修等語江水現雖消退秋汛在卽急宜先事豫防滿城被水浸泡之處城垣房屋亟須修葺其被災兵丁應撫卹者酌量撫卹均著確切查明詳細具奏將此諭令知之欽此

二十四年八月十七日奉

上諭裕泰奏查明李家埠老隄漫潰情形請將防護不力之知府

十丈估需夫土銀一萬六百三十餘兩著准其籌借銀五千兩不敷銀五千六百餘兩卽由該縣自行捐貲辦理所借銀兩歸於來年秋成後於受益業戶名下按田徵還歸款其該縣支河民工內尙有團湖垸麻家隄二處著准其俟秋後涸出勘估籌修將此諭令知之欽此

二十四年八月二十三日奉

上諭裕泰奏荆州萬城隄根現未涸露尙難勘估一摺覽奏均悉該隄爲全郡保障所關亟宜設法籌辦一俟水勢稍退卽飭該委員等先行攔築土壩以便興工該督屆時親赴工次周歷查勘妥爲估修總期全隄堅固足資捍衛毋得苟且了事致將來一遇水漲再有坍塌徒滋糜費是爲至要將此諭令知之欽此

二十四年九月十一日內閣奉

荆州萬城隄志

卷首

諭旨

道光

四十六

上諭裕泰奏查勘萬城大隄擇要興修一摺萬城大隄北岸關繫闔郡及下游各屬保障自應設妥法籌修據該督逐段履勘擇要估計所有上石各工並翻築加修等項總共估需例價銀十萬八千七百九十九兩零著卽照所議籌辦俟興工屆期遴委熟諳工程委員分段核實辦理如有草率偷減情弊立卽據實奏奏工竣後仍著該督親往驗收又另片奏李家埠潰口因秋

汎復漲起緊搶堵等語著卽督率在工各員設法堵築及早興修以資捍衛餘著照所議辦理欽此

二十四年十月初四日內閣奉

上諭裕泰奏李家埠潰口外灘河道設法鑲埽進占不日卽可截流及勘估大隄工程一摺湖北荊州府上李家埠潰口現在水勢退落經該督派委熟諳河工之員設法進占卽可截流擬於斷流後由外挽築月隄並加修子埝各一道均計長四百七十八丈及補修溝槽等項共估需土夫銀四萬四千五百五十兩零著准其將江漢疏濬要工備用息銀等項共銀四萬一千九

荊州萬城隄志

卷首

諭旨

道光

四七

百十四兩先行借動其不敷銀兩卽著飭令該藩司籌補足數解工應用統俟捐項繳齊卽行分別撥還歸款該督卽嚴飭在事各員如式興修務期工堅料實勒限年內完竣核實驗收仍責成該道認真監修如有減率稽延卽著據實叅辦此項工程著免其造冊報銷其隄外垵民私築土隄設立閘座有礙河身之處著卽全行創毀餘著照所議辦理該部知道單並發欽此

同日奉

上諭裕泰奏捐辦隄工請援例獎勵等語湖北荊州府萬城大隄現在興工堵築該省官紳商民踴躍捐輸著准其照現行中牟

河工捐輸之例分別獎勵以昭激勸該部知道欽此

荊州萬城隍志

卷首

諭旨

道光

癸

咸豐八年六月十一日奉

上諭工部奏捐修各工請飭遵例報銷一摺各直省修辦一切工程例應造具工料銀兩細數清冊報部核銷近年以來地方勸捐修理及借墊庫項令民間攤徵歸款各工或請造冊報銷或請免其造報辦理未能畫一且所捐銀錢有經各該督撫奏請給予獎叙者卽與動用正款無異豈可漫無稽查致滋冒濫嗣後除銀兩數在五百兩以下工程無關緊要及數在五百兩以上者向係民間捐修並不邀請議叙亦未借用官項者均免其造報其餘士民出貲捐修奏請獎叙地方官勸辦請獎並給予

荊州萬城隍志

卷首

諭旨

咸豐

四

實在官階以及例應民修之河道隄岸橋座等工有關田廬保障先行借動官項仍由民間攤徵還款或商民竈戶借動官項分年攤捐歸款者均著一體造冊報部核銷予以保固限期以符定例如該督撫有違例奏請者卽著該部奏請議處欽此

同治九年閏十月二十五日內閣奉

上諭李瀚章奏神靈顯應請頒匾額等語湖北荆江爲岷江清江沮漳諸水綜匯之區全賴萬城大隄保障本年伏汛盛漲幾至漫隄情形頗爲危險經該道府等親詣各廟虔申祈禱仰賴神靈默佑化險爲平實深寅感著南書房翰林恭書匾額二方交李瀚章祇頌敬謹懸掛 江神廟暨 沮漳二神祠用答神庥 欽此

荊州萬城隄志

卷首

諭旨

同治

辛